

Ленинэнь киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

МАРТОНЬ

14 чи,

1937 ие
№ 30 (704)ЛКСМ: 7-дс по
чинь 1723

ВЛКСМ-нь КУЙБЫШЕВСКОЙ КРАЙКОМОНТЬ II-це ПЛЕНУМОЗО

Мартонь 3—7-це читнестэ Якстере Армиянь Кудонть вишкине зданисонть молись ВЛКСМ-нь Куйбышевской крайкомонть II-це пленумозо.

Пленумонть члентнде башка примасть участия краень весе райкомонь секретарьтне ды 30 сех вадря пропагандист.

Пленумсонть чинь порядкас ульнесь: пропагандистской роботадонть ВЛКСМ-нь ЦК-нь II-це пленумонть решениянзо топавтомадо.

Докладт тейнест: ВЛКСМ-нь Мокшэрзянь обкомось (до-

кладчикесь Иванов ялгась), ВЛКСМ-нь Куйбышев ошонь комитетэсь (докладчикесь Левочкин ялгась), ВЛКСМ-нь Кинель - Черкасской райкомось (докладчикесь Емельянов), ВЛКСМ-нь Неверкинской райкомось докладчикесь Педалев).

Тедэ башка пленумсонть ульнесь толковазь вопрос ВЛКСМ-нь крайкомонть ды сонзэ руководителътнень роботасост критиканть ды самокритиканть лепштямодо, конадо минь печататано пленумонть путовксонзо.

ВЛКСМ-нь Куйбышевской крайкомонь II-це пленумонть 1937 иень мартонь 7-це чинь путовксозо

1. ВЛКСМ-нь крайкомонь пленумсо выступлениятнень коряс ды мартонь 6-це чистэ 1937 иестэ „Волжская коммуна“ газетасонть печатазь материалтнень коряс, ВЛКСМ-нь крайкомонь пленумось, ВЛКСМ-нь крайкомонть ды сонзэ руководителътнень роботасост асатыкстнень критиковамонть лепштямонь улиця фактнде Блюмкин ялганть яволяксонзо кулсонезь, — лови политической покш ильведьксэкс, кона нолдазь критиканть ды самокритиканть лепштямонть, крайкомонь ОРКО-нь заведующеенть Инберг ялганть поведенианзо, кона ашти сеньсэ, што сон, ВЛКСМ-нь крайкомонть роботасонзо асатыкстнде Дмитриев ялганть критика марто записканзо ВЛКСМ-нь ЦК-нь инструкторонтень Пляцкий ялганть максомодо: марязь, ловизе тень „ябедничествакс“. Тень кувалт ловомс аволь возможнойкс ВЛКСМ-нь крайкомонь аппаратс Инберг ялганть роботамо кадоманзо.

Се фактонть, што ВЛКСМ-нь крайкомонь секретарьтне Блюмкин ды Левиновский ялгатне ансяк ВКП(б)-нь крайкомонть вмешательствадо мейле аравтыз Инберг ялганть поведениадо вопросонть бюросо толковамос, — ВЛКСМ-нь крайкомонь пленумось лови Блюмкинэнь ды Левиновскоень ильведьксэкс, секс што комсомолонь крайкомонть роботанзо критиковамонть истямо отношениясь комсомольской аппаратовонть насаждають большевиктнень аволь свойственной нравт ды а лезды самокритиканть партийной отношениянь койсэ комсомольской кадратнень воспитаниянтень.

2. ВЛКСМ-нь крайкомонь секретарьтнень Блюмкин ды Левиновский ялгатнень ендэ Тихонов ялганть аволь виде, критиканть лепштямонзо марто граничащай, отношениядонть Тихонов ялганть яволяксонзо кувалт, истя жо критиканть ды самокритиканть лепштямонь лия фактнень кувалт, конат кепедезь пленумсонть, — меремс крайкомонь бюронть проверямс ды ванномс те вопросонть, неть

вопроснень толковамонь результатнде евтасм крайкомонть сыця пленумонтень.

3. Пленумось лови крайкомонь бюронть пек покш ильведьксэкс сонзэ ендэ ВЛКСМ-нь уставонть ды коллективной руководствань методтнень коламонть, кона ашти сеньсэ, што крайкомонь бюрось 11 ковоень перть эзь пурнакшно крайкомонть пленум ды тейсь кооптация. Пленумось невти тень лангс крайкомонь бюронть ды мери теемс истямо положения, конань пингстэ крайкомонь бюронть ды пленумонть роботасост тевсэ улест ютавтозь коллективной руководствань ды большевистской самокритикань методтнэ.

Пленумось лови корс а кирдевицкэ истямо положениянт, зардо комсомолонь райкомонь секретарьтнень ды лия работниктнень сеедьстэ арась возможностест комсомолонь крайкомонь секретарьтнень совамо ды мери крайкомонь бюронть ликвидировамс ошонь ды районной комсомольской организациянтень эйстэ комсомолонь крайкомонь руководящай работниктнень уликс сезевеманть.

4. Крайкомонь пленумось тешксты, што крайкомонь бюрось ды васнякх крайкомонь секретарьтне Блюмкин ды Левиновский ялгатне эсть уле башка ялгатнень выступлениятнень марто пленумсонть самокритиканть пряттокс ды лови эрвиксэкс кулсонемс сыця пленумсонть крайкомонь бюронть отчетонзо.

5. Тешкстамс, што „Волжский комсомолец“ газетань редакциясь эзь реагирова ВЛКСМ-нь крайкомонть роботасо асатыкстнень критиковамонть лепштямонь фактнень лангс.

Вейке чокшнес

Дубенкань район. Кенде велень аволь пешксе средней школасонть а дирекциясь, а комсомолонь комитетэсь а ловить эсистевекс Сталинской Конституциянт ды Сталин ялганть докладонзо тонавтниятнень юткс тонавтни-



Герой пограничникесь КОНДРАТЬЕВ ялгась

Героесь пограничникесь- орденоносецесь Кондратьев ялгась МАССР-нь ЦИК-сэ

Иван Родионович Кондратьев ялгась—минек республикань Атяшевонь райононь Сайнелень Буденный лемсэ колхозонь икелень колхозникесь ине родинань героесь мартонь 10-це чинь обед шкане вастовкшнось республиканской газетатнень работникест марто.

Вастовомсто ульнест ВКП(б)-нь обкомонь печатень ды издательствань отделэнь работникт „Красная Мордовия“, „Эрзянь коммуна“, „Мокшень правда“, „Ленинэнь киява“ редакциянь работникт. Вастовомсто Кондратьев ялгась евтнесь пограничниктнень эрямодост ды тонавтиемадост, ине родинань границянть колыцятнень каршо борцямодо эпизодт. Кунсолыцятнень мельс-превс кадовсь покш впечатления Советской Союзонь а тапавикс границятнде, ине родинань геройтнде ды седеезэст сови не-

нависть весе сеть нулгодкстнень — фашисттнень, конат а весть колсест минек границянть ды конат получакиность кеме вачкодкст коняс ды кедь ланга минек отважной якстереармеецтнень пограничниктнень ейдэ.

Ялгань, лембе кортнемстэ Кондратьев ялгась отвечась сонензэ максозь пек ламо кевкстнематнень лангс.

Чокшне, Мокшэрзянь АССР-нь ЦИК-сь Кондратьев ялганть тердтнзе ужинс, косо ульнест ВКП(б)-нь Мокшэрзянь обкомонь секретарьтне Прусаков, Смирнов ялгатне, МАССР-нь ЦИК-нь председателесь Сурдин ялгась, Совнаркомонь председателесть подавтыцянзо Бобков, Борисов ялгатне ды правительствань лия члентнэ. Сурдин ялгась героенть казизе часо.

Мартонь 11 чистэ Кондратьев ялгась тусь эсинзэ частсь.

(Героенть пограничникенть-орденоносецэнт Кондратьев ялганть евтнеманзо печатасынек сы номерсэ).

П. С—кин.

1917 ие — МАРТОНЬ 12-це ЧИ — 1937 ие

ТОПОДСТЬ КОМСЬ ИЕ САМОДЕРЖАВИЯНТЬ ЕРТОМАДОНЗО МЕЙЛЕ

Февральской революциянтъ
ИЗНЯВКСОЗО„СССР-сэ гражданской войнахъ историйнтъ“
1-це томонь 2-це главастонть

Пролетариатонъ настойчивой демонстрациянтъ, конатнень леднестъ в упор, рабочейтнень солдатнень марто вейсэндямасъ, меельсекс, большевиктнень прямой влияниязъ, конатне пачко-лестъ сеедьстэ мик казарматненъгак, ветясть сенень, што войскай частьнень неповиновениянъ случайтне теевсть панжадо бунтокс: солдатнэ мольсть командиртнень каршо, кода крестьян-тнэ помещиктнень каршо февралень 26-це чистэ 27-це чинь каршо вентъ Волынской полконъ учебной командасъ, конасъ леднестъ Знаменской площадсэ рабочейтнень лангс, решась отказамс демонстрантнень каршо оружи-янтъ тевс ютавтоманзо эйстэ. Но командиртнень каршо те прок пассивной сопротивлениязъ теевсь активной выступлениакс. Зярд валске рана учебной команданъ начальникс младшей офицерэнтъ марто сась казармантень сынъ „ура“ сеерезъ ульнестъ маштозъ винтовкасто ледемасо—истя дом-касто уш совась революциянтъ влияниязо: крепостникентъ каршо, кона оршазь офицерской мундирс, крестьянонтъ ламо пингень ненавистесь лись пощадавтомо яростекс.

...Волянецтнэ лиссть ульцяв. „Ура“ сеерезъ верев леднезъ, сынъ сыргастъ шабрацек полктнень—Преображенскоентень ды Литовскоентень. Сынст казарматненень пачкодезъ, сынъ тосо невтизъ помещиктнень крестьянской ненавистентъ. Тесэяк истя жо ульнестъ маштозъ полктнень командиртнэ. Преображенецтнэ ды литовецтнэ вейсэндямасъ волянецтнэ марто ды вооруженной массасо тустъ Выборгской районов, петроградской революционной пожаронъ главной очагонть. Выборгской ендю рабочейтне валске марто массасо мольсть Неванть трокс эентъ ланга. Малав обед шкане выборжецтнэ тапизъ Московской полконъ ротантъ, ко-на пекстакшнызе Литейной мостотъ пулеметсо, ды совастъ ошонть, эсист мельга солдатнэнь ветязъ. Ки лангсо приступос ульнесь сазъ арсеналось. Теске жо капшазъ кармасть теевеме отрядт. Вейке часонь перть явшестъ малав 40 тышат винтовкат. Теевсь непосредственной вейсэндямой аволь организованной солдатской бунтонть ды революционной пролетарской движениянтъ юткс. Вооруженной рабочейтне возглавили восставшей солдатнень. Движениясь теевсь революциякс, во-

оруженной истямо кедьсэ, кона ертызе царизманть.

Солдатской бунтохъ ды рабочеень демонстрациянтне овси эсть ульне февральской революциянтъ случайной ды вейкест-вейкест марто апак сълмаво кикс. Рабочеень демонстрациянтне аноктнэ ды юктнэ солдатской бунтонть сеть читнестэ, зярд войскайне эщо повиновались инязоронъ властенень. Рабочейтнень политической руководствавтомост аволь улеве бу массовой солдатской восстанияк. Аволь случайна волянецтнэ ды литовецтнэ мольсть аволь центраптень ды аволь Думантень, но Выборгской рабочей районотень. Но кода рабочейтнень выступлениязъ, истя жо солдатнень возмущенияк умом уш аноктавить большевиктнень партиянтъ кеме ды самоотверженной роботасонзо. Большевиктской партиянтъ петербургской комитетэс эщо арестовамо-донзо икеле печатась листовка:

„Учомс ды чатьмонемс седе тов а кода. Рабочей классонтень ды крестьянтнень, конат оршазель сермав шинельсэ ды сэнъ блузасо вейкест-вейкест туртов кедень максозъ, эряви ветямс бороцямо инязоронъ кликантъ каршо, штобу пингедэ-пингес путомс пе Россиянтъ лепштиця позоронтень... Сась наыв бороцямонъ шка“.

Кавонест потоктнэ, конатнень нолдынзе ды ветязъ партиясь, мольсть вейкест-вейкест енов, секе тев яла малавиксэкс теевильть, мейле жо вейсэндямасъ революциякс, кона изнясь.

А. МАРТЫНОВ

ЮТАЗДЕНТЬ ЛЕДСТНЕМАТ

— Стака сеть шкатнеде ледстнемскак—ушодызе кортамонзо Галина Ефремовна Полежаева ялгась.—Тынъ вана одтадо. Весе сень, мезе ульнесь—эзник нее, но ютазентъ содамс эряви.

Семиясонок ульнестъ сисем ломанть, весе пастухт. Мон сехте вишкине ульнинъ, лишной кургокс ловсть эйсэн. Эсть топодеяк тень кемеи иеть, кода максимизь роботамо фабриканъ азоронтень Никитинэнь. Те ульнесь 1911 иестэ.

Роботась ульнесь стака, суткань перть роботылинек 12—14 часст. Спецдежданъ коряс кортамскак а месь, чистэ-чис километрнэ ку-валом омбоце пель пондонъ стал-мосо махорканъ ящиктнень каннемс-стэ, сезневкшнестъ оршамо-пеле-нек. Рамамс сынст ульнесь а мейсэ. Эрва чинь роботантъ кис те-нэк пандсть ансяк 20—40 треш-никт.

— Мень тосо рамсемат,—сезизе Полежаева ялганть кортамонзо Банникова ялгась,—минек кедь-стэ верень потиця Никитин сайсь эрва кодамо штрафт седе ламо зяро минъ нажувилинек. Робота-сто апак олякстомто сестэ эрва

КОМСЬ ИЕДЕ ТЕДЕ ИКЕЛЕ

1914-1917 иетнестъ империалисти-ческой войнахъ весе стакась прась-трудиянтнень лавтовост лангс. На-родной потреблениязъ, кона уль-несь истякак алкине уровеньсэ, 1917 иень ушодовома малав кир-тывсь пеледензъ ламос. Дороговиз-нась, вачо-чисъ, разрухась апа-лоткс берянгавтсть рабочейтнень ды крестьянтнень положениязъ. Кассь революционной движениясь.

* Февралень 27-це чистэ. (14-це чистэ ташто стилинь коряс). Петро-градсо большевиктнень партиянтъ Центральной комитетэнтъ тердеман-зо коряс ушодовсь политической забастовка, конасонть примась уча-ствия малав 60 предприятий.

* Мартонь 3-це чистэ (февра-лень 18-це чистэ). Тейсь забастов-ка Путиловской заводонъ вейке мастерской. Бастовицятнень подде-ржали заводонъ весе рабочейтне.

* Мартонь 8-це чистэ (февра-лень 23-це чистэ). Роботницанъ Ме-ждународной чи. Большевиктнень петербургской комитетэс рабо-чейтнень тердинзе стачкас. Те чис-тэнтъ бастовастъ малав 90 тышат ломанть.

* Мартонь 9-це чистэ (февра-лень 24-це чистэ). Петроградсо забастовкась касы. Те чистэнтъ ба-стовастъ малав 200 тышат ломанть. Большевиктской лозунгтнень коряс: „Долой войнантъ!“, „Долой само-державиянтъ!“, „Шумбра Улезъ Республикась!“,—Робочеень демон-страциянтне сыргастъ ошонъ центра-нтень.

Большевиктнень партиянтъ ЦК-нь бюрось тейсь путовкс таргамс сол-датнень активной революционной бороцямос.

* Мартонь 10-це чистэ (февра-лень 25-це чистэ). Стачкасонть саезъ Петроградонъ весе предпри-ятиянтне.

Арестовазь большевиктнень Пе-

тербургской комитетэнтъ вете члент. Большевиктнень Выборгской рай-онной комитетэс сай эсинзэ кедьс бороцямосонть руководствантъ.

* Мартонь 11-це чистэ (февра-лень 26-це чистэ). Большевикт-нэнь Петербургской комитетэс населениянтень, эсинзэ манифест-сэнзэ тердсь шканъ революционной правительстванъ теэмс. Заводтнэсэ ды районтнэсэ большевиктнэ тер-дить Советэнь тееме.

* Мартонь 12-це чистэ (февра-лень 27-це чистэ). Революционной народосъ ертызе самодержавиянтъ. Петроградсо теезь рабочейтнень депутатонъ Совет. Войскайтне мас-сасо ютыть восставшей народонть енов.

* Мартонь 13-це чистэ (февра-лень 28-це чистэ). Московсо все-общей политической забастовка. Тееви рабочейтнень ды солдатнэнь депутатонъ Совет. Большевиктнэнь Московской Центральной комите-тэнь бюрось терди революциянтень лездемо.

* Мартонь 14-це чистэ (1-нь Мартсто). Ульнесь Петроградонъ рабочейтнень ды солдатнэнь де-путатонъ Советэнтъ васеньсе об-единенной заседаниязо. Те заседа-ниясонть ульнесь теезь решения, што ошонть улица войскайтне эсист выступлениязос подчиняются ансяк Советэнтень.

* Мартонь 15-це чистэ (мартонь 2-це чистэ). Теезь временной пра-вительствантъ.

Петроградской Советэнь заседа-ниясо Молотов ялгась кортась, штобу организовамс революци-онной правительствантъ.

Но меньшевиктнэнь ды эсертнэнь ульнесь сестэ большинстваст Пет-роградской Советсэ. Сынъ решизь максомс властенъ буржуазной пра-вительствантъ.

„Содамс ютазентъ, штобу веч-кемс неенсентъ“ (Косарев)

невсть кедьстэнек лия тевть. Нетъ тевтне кудо-ютконъ: каннемс ведь, шлямс киякст, уштомс баня, уря-дамс азоронть ды сонзэ кавто бра-тонзо кудост ды ламо лият. Вестъ монъ кармавтымим азорось эсинзэ кудосто пулень нартнеме. Те наръ-гаманть мон зярдок а стувтса. Совась азорось. Мон нарътиян-летьке пачинесэ стенатнень. Сон таргась зепстэнзэ парсеень паци-не, эдизе сонзэ лазксес ды паци-несь пулиясь. Нерькстымим весе вийсэнзэ чамас пулев те пачине-сэнтъ ды урядавтызе одов кудонть.

— Ох уш, а месь кортамскак! Аволь ансяк минек, но весе рабо-чейтнень сестэ арасель праваст а тонавтнеме, а оймсеме, лишной валонъ евтомодейк мик эсть мер-не,—таго кармасть евтнеме Галина Ефремовна.—Ормалгадыть, при-меркс,—панилидизь роботасто. Ор-малгадомс жо сестэ ульнесь аволь кувать. Повнясак, Маруся,—пшкадсь сон ялгантэнь,—вестъ монъ сель-мем сокоргадокшность воспалени-ясо сэредемстэ рудазов ведьсэ шлякшномадонть? Лоткамс робо-тамодо—пантыдызь, роботамс жо а кода. Зярдок а стувтсынъ, уль-нестъ пек дружна ялган, Марфа Шкирманова, Оля Свойкина, Нюра Свойкина ды Тоня Аристова. Эрямс ды эрямс бу ней сынест, но сынст беднякятнень истяки панинзе калмс Никитин.

— Те произволонть каршо ве-тинек бороцямож, но сон ульнесь

Агитбригада

Ромоданованъ районов Куйбы-шев ошто сась агитбригада, ко-нась мордовиясо карми улеме тун-да видеманъ; весе шканть перть, пакса стансо карми тейнеме вы-ступленият.

Агитбригадась, М. А. Громбери артистэнтъ ветямонзо коряс, ва-сень выступления тейнесь Ромо-данованъ соцкультуранъ район-ной кудосонть.

Вл. Ананьин.

СТАЛИНСКОЙ КОНСТИТУЦИЯСЬ ДЫ СОВЕТСКОЙ ОД ЛОМАНЬТНЕ*)

Ды те ведь якстереармеецтнэнь — правительствань члентнэнь ансяк пек аволь покш пелькс. Украинской, Белорусской, Узбекской, Туркменской, Таджикской, Азербайджанской, Грузинской, Армянской правительстватнесэ аволь аламо якстереармеецт. Якстереармеецтнэ примсити участия ошонь советнэнь кочкамотнесэ, с'ездтнэс сынт представителест совить районной ды областной исполкомтнэс ды лият.

Косо, мирэнт кодамо масторсо, косо, кодамо армиясо, минектенть башка, масторонт ветьмосонзо возможна „нижней чинэнт“ туртов, „солдатонт“ туртов истямо равноправиясь, активной участиясь?

Ды теке марто эряви меремс, што минек масторсонть сонсь „солдат“, „нижний чин“ валось стувтовсь.

Сядот рядовой якстереармеецт ды якстерефлотецт казезь Советской Союзонь ордентнэс. Теке марто казнеть максозь аволь ансяк сеть боецтнэнь пограничниктнэнь, конат героически тапизь японо-манчжурской бандатнэнь каявомаст, но истя жо максозь сетнененьгак, кить кеме героической роботасо тонавтизсь, саизь кедьс-коморс сынест максозь боевой техниканть.

Истямо минек Якстере Армиясь. Истямо минек Якстере Армиянт — мирсэнт сех виев армиянт героической ломаненэ.

Минек армиянт виезэ ашти сонзэ боецтнэнь ды командиртнэнь покш сознательностьсэ. Эрва боецэс соды, што сон вансты ине народонт уцясканзо, весе человечестванть уцясканзо. Минек армиянт виезэ сенсэ, што сон тердэз эсь согражданинтнэ мирной трудост ванстомо. Минек армиянт виезэ сенсэ, што сонзэ пряттокс ашти ине Сталинэнь боевой соратникезь, рузонь народонт героической церазо, славной полководець, Советской Союзонь ва-

*) Пезэ.

А. Косарев

сень маршалось Климент Ефремович Ворошилов, конань эрямонь кизэ вельтязь робочей классонт ине тебензэ кис легендарной ды изнявксонь кандыця бойтнэнь пороховой качамосо.

Минек армиясь анок мештьсэнзэ ванстомс эсь отечестванзо. Буржуазной обществасонть арасель ды арась истямо фальшивой ды чаво вал, кода „отечества“ валось. Ды ансяк социалистической ине революциядонть мейле те валось минек масторсонок получизе эсинзэ алкуксонь смыланзо. Пролетариянт арасель эсинзэ отечествазо. Вооруженной восстаниясо властэнт эсь кедьс саезь ды эсь масторонзо азорокс стязь, сонзэ кармась улемс отечествазо.

Советской моданть эрва пангкесь валнозь сыре поколениянт боецтнэнь верьсэст, конат борцэсть мирсэнт трудицтнэнь вейкине отечестванть кис. Вана мекс ванстомс отечестванть, эсь сельмекс ванстомс границатнэнь неприкосновенностэ, — те минек священной обязанностенэ. Ды бути врагось смелгады каявомс, минь сеске жо сонзэ карматсынек эсь прятно ванстомо эсинзэ территория лангсо.

Нетя условиятнесэ мужествась должен улемс минек масторонь эрва од церанть, эрва од тейтерэнт эйсэ. Мужествась воспитывається истяжо, кода характерэнь эрва кодамо лия качестваськак ды минек эряви апаклоткс вооружать сонзэ эйсэ минек од ломаньтнэнь.

Минек од ломаньтне эсь прят воспитывають а пелемасонть. Минек од ломаньтне эсис эйс кастыть волевой пек вадрыкачестват. Минек од ломаньтне бажить армиянь ды пек ацергальить, бути сын кодамоак тувталонь кувалт не могут улемс примазь сонзэ ряд-

тнэс. Но мик Якстере Армиянь рядтнэс апак улеяк минек од ломаньтне анокстыть эсис долгост топавтомо, эсис пек важной обязанностест топавтомо, кона сермадозь Конституциянт 132-це ды 133-це статьятнесэ. Ламо кеме тыщат од робочейт ды колхозникт летной теветень тонавтичь аэроклубсо, кирнявтичь парашют марто, тонавтичь танкань ветьмо, леднить пулеметсо, тонавтичь, тактиканть, топографиянт, военно-санитарной теветень. Улемс воинэкс Робоче-Крестьянской Якстере Армиясонть — те СССР-нь эрва гражданинт алкукс почетной обязанностезь, ды минек масторонть эрва од ломаньтнэнь эряви эшо РККА-нь рядтнэс молемадо икеле эсь прятно анокстамс те обязанностэнь топавтомо.

Родинант эряви ванстомс аволь ансяк доблестной Якстере Армиянь рядтнэс. Од ломаньтнэнь эряви мельсэнзэ кирдемс, што робочейтнэнь ды крестьянтнэнь социалистической вейкине государствась пирязь сонэнзэ враждебной капиталистической мирсэ, што тосто минек масторонть потмов аволь чуросто венствевить шпионажонь, терроронь, диверсиянь, коламонь кедь-енкст ды што эшо аволь весе троцкистско-зиновьевской гадинатне — фашистской машиницэнь, шпионтнэ ды диверсантнэ таргазь эсис нораост ды тапазь.

Родинант врагтнэнен пек кеме, алкуксонь бдительность должен улемс СССР-нь од гражданинтнэ весе существасонзо.

Кода славной пограничниктнэ, конат аштить дозорсо, пштитэ ванкшныть сынест кемезь советской рубежтнэнь эрва ваксонть, истя комсомолецтнэнь, минек масторонь од ломаньтнэнь эряви содамс перьканзо аштиця обстановканть, содамс сонзэ перька аштиця ломаньтнэнь.

Социалистической строительстванть эрвата, кадык куш сех скромной, минек кемезь участкасонзо минек эряви мельсэнэ кирдемс отечестванть ванстыцянь эсинек священной долгонь.

Минек виев масторось, минек а изнявикс Якстере Армиясь аштить весе мирсэнт мирэнь теветень оплотокс. Советской Союзонть сонсь эрямозо кемексты весе лепштызь человечестванть эсь прятно оляс менстмонть кемеманзо ды борямо кепеди мирэнь весе мастортнэсэ икеле молиця ломаньтнэнь.

Вана мек советской народось, минек од ломаньтне истя пек вечксызь эсис славной Якстере Армиянт. Вана мек весе минь — минек социалистической родинант патриотнэ — аноктано максомс весе виев минек масторонть оборонанзо кемекстамонть ды апак пеле стямс сонзэ ванстомо.

Минек обязанностенэ — ванстомс большевистской партианть, конань ветьмонзо коряс минь изнякшно-тано.

Минек васеньце обязанностенэ — ванстомс, кородомс весе мирэнь лепштызь ломаньтнэнь ине ветицанть Сталин ялганть перька, кона пачтимизь социализманть допрок изнямонстэнь.



Сочисэ 6-це № санаториясонть оймис Грузиянь знатной парашютисткась-орденоносцэс Русудана Жордания. Производства роботамодо апак лотка сон прятнэс Берия ялганть лемсэ тбилисской аэроклубсо летной школанть. Сон Сталин ялганть мактнесь вал, што аноксты 10 пилотт грузинской од ломаньтнэнь эйтэ. Эсь валонзо Русудана Жордания топавтызе.

СНИМКАСОНТЬ: Р. Жордания тонавтнэмань коряс эсинзэ ялганзо марто Берия ялганть лемсэ аэроклубсонть ваны самолетонт ливтамонзо мельга.

Фотось С. ХЕИФЕЦАНЬ (С Ф).

Вадря ушодкс

ВКП(б)-нь Дубенкань райкомось средней школань директортнэнь марто мартонь 7-це чистэ ютавтсь семинар, косо ульнесь лекция средней школасо ССР-нь Союзонь Конституциянт тонавтнамадонзо. Семинарсонть ульнест райононь средней ды аволь полной средней школань весе директортнэ ды Конституциянт предметанть коряс весе преподавательтне.

Партиянт райкомонь секретарес Лисенков ялгась эсинзэ лекциясонзо чаркодевистэ евтнэзе, кода эряви ветьамс занятиянтнэнь Конституциянт коряс, кодамо методсо тонавтомс, штобу те предметэсь школатнесэ тонавтицатнэнь туртов улелель сехте интересной предметэкс.

С. Платонов.

Кавто колхозонь соцпелкстамо

Чамзинкань райононь Хлыстовка велень „Красный Октябрь“ колхозось тейсь социалистической пелькстамонь договор Кочкуровань райононь Крупская лемсэ колхозонт марто. Договоронт главной условияс ашти се, штобу агротехнической правиланень тева ютавтозь седеяк покшолгавтомс урожайностэнь, шкастонзо топавтомс государстванть икеле обязательстватнэнь.

Хлыстовкань колхозонт пельде договоронтэнь сермадозь пунктнэнь ютксо улить истят: вадрясто ды шкасто ютавтомс тунда видеманть, среднейстэ эрва гектарсонть саемс 10 центнерт мушко, Печказовань звенасонть жо — 15 центнерт; теэмс колхозной зельт; 50 гектар лангсо ютавтомс орошения ды лият.

Н. Симдянов.

аволь организованной, лиснесь кода бути стихийна.

1915 иестэ цератне лоткасть роботамодо. Лоткине миньгак, тейтер-аватне. Лексакин, кавто братт Кудрявцевтнэ (ней эрять Посопсо, колхозникт) ды лиятне кочкимизь сехте бойка тейтертнэнь — монь, Воронцова Марфань, Фомичева Зинань (ней роботы Гортсо продащицакс) ды кучимизь фабрикань азоронтень вешемс, штобу сон 5 трешникс каставлизе роботамонь питненть. Ильтемстэнек мерсть:

— Бути 5 трешникс а кастасы, сестэ согласядо коть 3 трешниктнэнь марто.

Минь, нама, кенярдозь туинек. Сонсь азорось арасель, ульнесь братозо. Сюконинек пильгезинзэ, пшкадинек:

— Минь сынек вешеме, штобу каставлинек 5 трешникс роботамонь питненэ. Сон тетькинзэ сельмензэ, стукадсь пильгезинзэ ды пиже-ожо вайгельсэ пижакадсь:

— Тынк кепедемс роботамонь питненэ, вон тестэ киска левкст! Толковинек тензэ, што аволь ансяк минь, но весе тосо а роботыть, весе вешить, мезе минь. Мейле мерсь, што учодо, куток сан, максан..

Пуромсть весе вейс. Евтнитяно, што азорось макссь вал, куток сы тей. Весе кенярдсть. Кой-конат кенеркшнэсть уш моронь зрыгедеме. Но вана, панжовсь

кенгшесь, совасть: исправник, пристав, фабрикань азоронт братозо ды кавто полицейскойт. Кармать забастовкань ушодыцянт, главаренть, вешеме. Толкото-чинть коряс понгине мон ды Полякова. Панимизь фабрикастонт, грозясь пекстамосо, но эзинек понго, эринек кекшезь. Истят, вана, ульнест эрямотне.

Полежаева Галина Ефремовна 1925 иестэ Ленинской призывстанть совась коммунистической партиань членкс. Сон ней махорочной фабрикасо роботы парторгокс. Банникова Мария Ивановна — роботы набойной цехень начальникекс. Сон партиас совась 1928 иестэ. Синст колмоце ялгасть Полянская — фабкомонь председателекс.

Сынть тесэ роботыть февральской революциядонть икеле, сестэ ульнест од тейтерьтнэ. Нетя ялгатне, кода икеле истя жо нейгак а лотксит вейкест-вейкест вечкемадо. Сынть сеедьстэ ютко шкаст ютавтичь вейсэ, чайде симезь кортнемстэ жо, апак фатя кармить ледстнеме весе, мезе ютась, пелить вейкест-вейкест лангсо.

Ней жо, минек уцяскав эрямонть, народонь правительствась, эрва иестэ синст кучни курорт, оймсема кудос, максы тест шумбра-чи, одкстомгавты синст.

Саран ош, махорочной фабрика,

Эрва мезде

Палыця пандо

Северной Таджикистансо Ура-Тюбенть эйстэ 90 километрань туро пеле чи енов ули пек мазый ячнобской латко. Те латкованть кузиця ломаньтне марить нашатырень покш чине. Кой-зардо сынь пачколить тов, косто лиси те чинесь ды неить интересной тев: скалатнень, пандонь лазкстнень алдо лисить ашо качамонь струят. Не-яви малав фантастической тев—модань палом (ножа). Тесэ палыть ячнобской месторожде-ниянт кевень уголиянь пласт-нэ. Тосо уголиясь палы уш-ламо пингень перть.

(„Правда Востока“).

Механической ломань

Техасесэ курокарми улеме выставка. Те выставкантень Американь Соединенной Шта-тнень трудонь министерствася аноксты механической ломань. Кавто метрань сэрэсэ автома-тось зярый минутань перть ло-вны лекция: „Ломанесь ды ма-шинась“. Кортамсто те лома-несь-автоматось карми тейнеме эрявикс жестикуляцият.

Те ломанесь-автоматось теезь стальстэ. Сонзэ потмосонзо сло-жной механизмася якамо, ве-лявтневеме кармавты турват-нень, кедтнень ды прянтэ, сон истяжо кармавты кортамо кек-шезь звукопроизводящей аппа-ратонт, конась евтнесы плен-кас сермадозь лекциянтэ.

(„Техника молодежи“)

ИНЕ ЗОДЧИЙ

1937-иень мартонь кемгавтовоце чистэнтэ топодсты кавтосядт иеть ине зодчиенть—Василий Ивано-вич Баженовонь шачомадо мейле. Баженовонь пек покшоль ролезэ русской архитектуранть кастома-сонзо. Те ульнесь европейской масштабонь русской васеньце зод-чий, конась отечественной архи-тектуранть нолдызе касомань са-мостоятельной киява. Ансяк Баже-новдо мейле ды ансяк сонзэ те-вензэ коряс можна кортамс рус-ской архитектурной классикадонть.

В. И. Баженов шачсь Вольской велесэ, Малоярославской уездсэ, Калужской губерниясо. Васень об-разования сон получае Московонь славяно-греко-латинской академия-сонть, 1751-иестэнтэ тосто тусь Ухтомской архитектуронть школан-тень. 1755-иестэнтэ Ухтомский эсин-зэ талантливой ученикензэ сер-мадстызе омбо масторонь кельт-нень тонавтнеме Московской уни-верситетэнтень. Колмо иень ютазь Баженов вейсэ дия учениктнень марто, „конатнень ульнесь склон-ностест художестватненень“, кучо-зель художествань Петербургской академиянтень, кона сестэ ансяк эщо панжовсь. Баженов пек пар-сте тонавтнесь тосо. Кавто иеде мейле сон получае „архитектурый помощника в ранге прапорщика“ звания ды аравтозель помощни-

Германиянь ды Италиянь интервентнэ виевгавтыть испанской мятежиктиэнень лездамонть

Меельсь читнестэ Мадридской фронтонт зярый участкозонзо таго ушодовсть виев бойть. Сын-аштит пек паро иллюстрациякс се комедиянтень, конань фшист-ской интервентнэнь представите-лест—Германиясь, Италиясь ды Португалиясь,—Англиянт пек бе-ряньстэ копачазь попустительст-ванзо пинистэ—нейгак яла ветить испанской тевтнес а эцнемань коряс лондонской комитетсэнтэ. Сень лангс атак вано, што сын-макссть обязательства—февралень 21-це чистэнтэ лоткавомс Испа-ниянь „добровольцэнь“ кучнеманть, яла теке испанской портнэсэ валгсть меельсь читнестэ ламо кемень ты-щат итальянской солдатт. Итали-янь фашистнэ виевстэ анокстыть Испанияв од армиянь кучома, ко-наньсэ 25 тыщат ломаньтэ.

Англиянь газетатнень куляст ко-ряс, уш 100 тыщад ламо герман-ской ды итальянской солдатт ней-ветить розбойникень война испан-ской народонть каршо.

Овси аволь умок Кадиксэв (покш порт Испаниянт чи валгома ено) пачтызь эщо 25 тыщат немецкой солдатт.

Испанской тевтнес а эцнемадо международной соглашениянт то-павтоманзо мельга контролесь те-шкас атак аравто, секс што фа-шистской интервентнэ те соглаше-ниянт мезекскак а ловить. Сын-

арсить, што Испанияв кучозь вой-скатне ды вооружениянтэ а сатыть сень туртов, штобу тапамс испан-ской народонть героизманзо, кона (народось) яансты эсинзэ олякс-чинзэ ды независимостензэ. Арась кодамоак кемима, што контролень од шкаскак (мартонь 7-це чинть таркас аравтозь мартонь 13-це чись) ули топавтозь. Истя жо эря-ви мельсэ кирдемс, што мик те контролент аравтомадонзо мей-леяк фашистской интервентнэнь кармить улеме зярый кист сень туртов, штобу седе товгак ветямс испанской мятежиктиэнень лезда-монь политикаст.

Нама, итало-германской фашист-тнэнь виевгадыця интервенциясь испанской народонть ютксо кепти боевой од, покш решимость. Теде корты, васняк, испанской компар-тиянт расширенной пленумозо, кона прядовсь неть читнестэ. Ис-паниянь коммунистической парти-ясь, конань лововить 250 тыщат членэнзэ, ашти основной виекс, кона испанской народонть органи-зови фашистской реакциянт ды интервенциянт каршо бородамо. Компартиянт ЦК-нзо пленумонтэ решениянт кемелгавтсызь Испа-ниясо народный фронтонт ды Ис-паниянь робочейтнень ды крестьян-тнень союзонт, кона ашти сень залогокс, што республиканской Ис-паниясь изнясы верев фашизманть.



Московской военной округонь частьнень теленьшкань тактичес-кой тонавтнематне.

Снимкасонть: танкань молема.

Фотось Б. Фишманонь (с ф.)

кекс итальянской содавикс архи-текторонть—Растреллиненъ.

1760-иень сексия Баженов кучо-зель пенсионерэкс Парижев, тосо работась Де-Вальи архитекторонть кедьсэ. Кавто иень ютазь сон пек парсте прядызе Парижской акаде-миянтэ, тень кис тензэ макссть сырнень медаль. Петербургской академиясь заочна макссь Баже-новнэнь ад'юнктонь лем ды кучи-зе сонзэ Римев седеяк парсте усо-вершенствованиань кис. Баженов колмо иеть ульнесь Италиясо, те-шкасэ сонзэ ульнесь алкуксонь триумфокс. Италиянектнэненъ, ко-нат сестэ беряньстэ ваныльтэ ом-бо масторонь архитектуртнэнь лангс, савсь признать русской од, пек талантливой зодчеентэ. Баже-новнэнь максозель художестват-ненъ Римской академиянт профессо-ронь лем ды кочказель Флорен-

тийской ды Болонской академият-ненъ членэкс. Сон истя жо при-мась участия Римсэ знаменитой капитолийской кустиманть теема-сонзо.

1765-иестэнтэ Баженов сась Пе-тербургов. Сон ютавтсь омбо мас-торсо теезь роботанзо выставка, кона пек тусь весемень мельс. Ху-дожестватнень академиясь Баже-новнэнь, конанень сестэ ульнестэ 28 иеть,—макссь архитектурань академикень лем. Сонзэ кармавтызь каменоостровской дворецэнтэ, мей-ле жо Литейной ульцэсо Ташто Арсеналонь зданиянт строамо.

Баженовонь лангс се шкатнестэ пек лепштысь самодержавной строент чудовищной произвольт. Короованной особатнень ды сынст приспешниктнэнь мелест коряс Баженовонь творческой сех паро

Гвадалахаранть маласо нейгак яла молить виев бойть

Республиканецтнэ тапасть фашистской 22 танкат

Мадридэнтэ маласо таго молить виев бойть. Мятежиктиэнэ ды гер-мано-итальянской интервентнэ ве-тецеде ушодсты келей эцема, тевс нолдасть виев авиация, сядодо ламо танкат, артиллерия. Харама леенть перька (Мадридэнтэ эйстэ пеле чи марто чи лисема ено) фашистнэнь азаргадозь атакаст тапизь респуб-ликанской войскактне. Ней мятеж-никтиэнэ покш наступления ветить Мадридэнтэ эйстэ пелеве енкс марто чи лисема ено. Гвадалаха-ранть маласо (столицанть эйстэ 50 вайгельпетэ). Мятежиктиэнэ ютк-со те наступлениясонть ули итал-ьянской войскактнень корпус—ко-лоньгеменьшка тыщат ломанть ды германо-итальянской сводной 2 бригадат.

Республиканецтнэ зярый мятеж-никт сайсты пленс, ютксо 42 итальянской солдатт ды 4 офицерт.

Мартонь 11-це чистэнтэ чить, валске марто ушодовозь виев лед-немадонть мейле, мятежиктиэнэ ар-тиллерийской леднеманть ды 32 виев танктнэнь лездамост марто тейнестэ 4 атакат. Мятежиктиэнэ весе атакаст республиканецтнэ та-пизь ды ушодсты контратака керш-ено флангсонть. Кой-кона пункт-нэсэ республиканецтнэ кой-зронь туро эиестэ икелев, Мятежикти-нэнь 9 танкат допрок тапазельтэ. Боень 4 читнень перть мятежик-тиэнэ ютксто 3 тыщат ломанть маштозь ды рянязь. Бойтнень мо-лемстэ республиканецтнэ тапасть мятежиктиэнэ 22 танкат.

Пелеве ено фронтонтэ фашист-нэ получасть лездамо, сынь снарт-нить панемс республиканецтнэнь сеть позициянтэстэ, конатнень сынь занизь Овиедо ошсонть. Рес-публиканской войскактне тапизь мятежиктиэнэ атакаст, маштнестэ ды рянязь ламо мятежикт.

замысланзо кадовсть тевс атак ютавто, ды мик тапазельтэ-калав-тозельтэ пек паро постройкатне, конатнень сон ушодокшнызе.

Баженовонь васеньце сех покш роботазо, конаньстэ сех парсте неяви сонзэ пек покш талантозо, —те Смольной институтонтэ прое-ктэсь, кона эзь ульне тевс ютав-тозь.

Мейле Баженов тейсь Московонь Кремлянт пек покш перестрой-кань план.

Правительствася Баженовнэнь макснесь зярый заказт, но сын-весе ульнестэ лезэвтеметь.

Павел I инязоронть указонзо коряс Баженов аравтозель адми-ралтействанть главной архитекто-рокс, художестватнень академиянт профессорокс ды вице-президен-тэкс.

Сень лангс атак вано, што Ба-женовнэнь эзь саво тевс ютавтомс творческой сех паро замысланзо, яла теке те великанось русской архитектуранть макссь покш смел чи, воля творческой ине дер-заниянтнень, русской архитекту-ранть кепедизе европейской уро-веньс.

Ине зодчесь В. И. Баженов кулось 1799-иестэнтэ.

Отв. редакторось М. ЛЮПАЕВ